

太宗文皇帝实录

上

(清)

国史作

太宗文皇帝實錄序

我國家誕膺

天眷。撫有鴻圖。洪惟我

太祖武皇帝。實肇厥基。粵

皇考太宗文皇帝。克增式廓。爰成大統。予冲人得以眇躬
嗣業。惟是上下陟降。罔敢有佚厥志。以忝

先猷。緬懷

太祖實錄。業著成書。昭之帝紀。惟我

皇考享國十有七載。當區宇之未一。諸務之未遑。載緒武

功。聿敷文教。惠澤旁流。招納降附。子黎元。禮英賢。敬
天勤民。克綏景命。朕承遺業。勘定禍亂。非創垂之休不及
此。自親政以來。懍焉思慕。間取遺事。是訓是行。而

先皇嘉言懿範。未經編次。既無以垂示將來。永傳寶鑑。朕
卽欲朝夕覽觀。覲揚

謨烈。其道未由。乃命儒臣。修纂成編。凡光大含弘之德。神
武不伐之威。以暨諸臣文武勲戚之膚功茂績。罔不搜
討畢載。勒諸方策。藏之金匱石室。豈惟朕齋躬展誦。日
惕然於創業之艱難。將俾我後世子孫。用人行政。治兵

于民永永奉爲觀法。詩不云乎。儀式刑文王之典。日靖四方。豈不盛哉。謹序。

[illegible]

大清太祖承天廣運聖德神功肇紀立極仁孝武皇帝實錄卷
之一

長白山高約二百里週圍約千里此山之上有一潭名他們
圍約八十里鴨綠混同愛濤三江俱從此山流出鴨綠江自山
南瀉出向西流直入遼東之南海混同江自山北瀉出向北流
直入北海愛濤江向東流直入東海此三江中每出珠寶長白
山山高地寒風勁不休夏日環山之獸俱投憩此山中此山盡
是浮石乃東北一名山也滿洲源流滿洲原起于長白山之東
北布庫里山下一泊名布兒湖里初天降三仙女浴於泊長名

思古倫次名正古倫三名佛古倫浴畢上岸有神鵲啣一朱果置佛古倫衣上色甚鮮妍佛古倫愛之不忍釋手遂啣口中甫着衣其果入腹中即感而成孕告二姊曰吾覺腹重不能同昇

素何二姊曰吾等曾服丹藥諒無死理此乃天意俟尔身輕上昇未晚遂別去佛古倫後生一男生而能言候爾長成母告子曰天生汝實令汝爲夷國主可往彼處將所生緣由一一詳說乃與一舟順水去即其地也言訖忽不見其子乘舟順流而下至於人居之處登岸折柳條爲坐具似椅形獨踞其上彼時長白山東南鰲莫惠地名鰲朵里城名內有三姓夷酋爭長終日

互相殺傷適一人來取水見其子舉止奇異相貌非常回至爭
聞之處告衆曰汝等無爭我於取水處遇一奇男子非凡人也
想天不虛生此人盡往觀之三酋長聞言罷戰同衆往觀及
見果非常人異而詰之答曰我乃天女佛古倫所生姓愛新
幸言全也覺落姓也名布庫里英雄天降我定汝等之亂因
將母所囑之言詳告之衆皆驚異曰此人不可使之徒行遂
相攜手爲與擁捧而回三酋長息爭共奉布庫里英雄爲主
以百里女妻之其國定號滿洲乃其始祖也南朝誤名建州
歷數世後其子孫暴虐部屬遂叛於六月間將鰲朵里攻破

盡殺其闔族子孫內有一幼兒名范喀脫身走至曠野後兵
追之會有一神鵲棲兒頭上追兵謂人首無鵲棲之理疑爲
枯木椿遂回於是范喀得出遂隱其身以終焉滿洲後世子
孫俱以鵲爲祖故不加害其孫都督孟特木生有智畧將敵
祖仇人之子孫四十餘計誘於蘇蘇河虎欄哈達山名下黑
禿阿喇黑禿華言極也阿喇角也距鰲朶里西千五百餘里
殺其半以雪仇執其半以索眷族既得遂釋之於是孟特木
居於黑禿阿喇 都督孟特木生二子長名克善次
名除烟克善生三子長名拖落次名脫一莫三名石報

奇。石報奇生一子。都督福滿。福滿生六子。長名德石庫。次名劉謫。三名曹常剛。四名覺常剛。五名豹郎剛。六名豹石。德石庫住覺里叉地方。劉謫住阿哈河洛地方。曹常剛住河洛剛善地方。覺常剛住其祖居黑禿阿刺地方。豹郎剛住尼麻蘭地方。豹石住張家地方。六子六處各立城池。稱為六王。乃六祖也。五城距黑禿阿刺遠者不過二十里。近者不過五六里。長祖德石庫生三子。長名蘇黑臣代夫。次名談吐。三名娘古。二祖劉謫生三子。長名祿胡臣。次名麻寧格。三名門土。三祖曹常剛生五

子長名李太。次名武太。三名綽氣阿朱。四名龍敦。五
名非英敦。四祖覺常剛生五子。長名李敦。把土魯。紀上
魯華言英雄也次名厄里袞。三名界坎。四名塔石。五名

塔义。五祖豹郎剛生二子。長名對泰。次名稜得恩。六祖
豹石生四子。長名康嘉。次名阿哈納。三名阿都樓。四名
朵里火樓。彼時有一人名灼沙納。生九子。皆强悍。又一
人名加虎。生七子。俱驍勇。常身披重鎧。連躍九牛。二姓
恃其強勇。每各處擾害。時覺常剛有才智。其子李敦。又
英勇。遂率其本族六王。將二姓盡滅之。自五領進東。蘇

蘇河迤西二百里內諸部盡皆賓服。六王自此強盛。初
豹石次子阿哈納。至沙革達部。欲聘部長巴斯漢。把土
魯妹爲妻。巴斯漢曰。爾雖六王子孫。家貧。吾妹必不妻
汝。阿哈納曰。汝雖不允。吾決不甘心。遂割髮留擲而去。
巴斯漢愛東果部長克轍。殷富。遂以妹妻其子厄兒機。
後厄兒機自巴斯漢家回。至阿布塔力嶺。被托莫河處
厄吐阿祿部下九賊截殺之。賊中有與阿哈納同名者。
羣賊相呼。路人悉傳阿哈納之名。克轍聞之曰。先豹石
之子阿哈納欲聘吾兒婦。其兄不允。吾兒遂娶。今殺吾

兒者必此人也。時哈達國汗萬名聞其言。遣使往告克
轍曰。汝子非豹石之子所殺。乃厄吐阿祿部下九賊殺
之。我擒此九賊。與爾。爾當順我。克轍曰。吾兒被殺。何故
又令我降。此不過以路遠之厄吐阿祿為辭耳。吾等地
屬同隣。若果豹石之子未殺吾兒。何不以金帛饋哈達
汗。擒此九賊。與我而質。若係賊殺吾子。金帛吾當倍償。
時有曹常副部落厄革奇尼。聞之。即往告其主曹常剛。
私遣人往誑克轍曰。汝子是我部下兒崩革。與厄革青
格謀殺。若以金帛遺我。我當殺此二人。克轍曰。哈達汗

言。厄吐阿祿部下九賊殺之。爾又云爾部人殺之。此必
汝等設計誑我。于是遂成仇敵。因引兵攻克六王東南
所屬二處。六王不能支。相謀曰。我等同祖所生。今分居
十二處。甚是渙散。何不聚居。共相保守。衆議皆定。獨武
太不從。曰。我等同住一處。牲畜難以生息。吾今詣妻父
哈達汗處。借兵報復。於是遂借兵。往攻克敵。二次獲其
數寨。初未借兵之先。六王與哈達國汗互相結親。兵勢
比肩。自借兵後。六王之勢漸衰。覺常剛第四子塔石嫡
夫人。乃阿姑都督長女。姓奚塔喇。名厄墨氣生三子。長

名哈兒哈奇

即太祖

號淑勒貝勒

淑勒貝勒華言聰睿王也

次名泰兒

哈奇號打喇漢把土魯。三名牙兒哈奇次夫人乃哈達

國汗所養族女。姓納喇名捐姐。生一子名把牙喇號兆

里兔。

兆里兔華言能幹也

側室生一子名木兒哈奇號卿把土魯。

初厄墨氣孕十三月生

太祖時已未歲。大明嘉靖三十八年也。是時有識見之長

者言滿洲必有大賢人出。戡亂致治。服諸國而為帝。此

言傳聞人皆妄自期許。

太祖生。鳳眼大耳。面如冠玉。身體高聳。骨格雄偉。言詞明

爽。聲音響亮。一聽不忘。一見即識。龍行虎步。舉止威嚴。其心性忠實剛果。任賢不二。去邪無疑。武藝超羣。英勇蓋世。深謀遠略。用兵如神。因此號為

明汗。十歲時。喪母。繼母妬之。父惑於繼母言。遂分居。年已十九矣。家私止給些須。後見

太祖有才智。復以家私與之。

太祖終不受。時各部。環滿洲國。擾亂者。有蘇蘇河部。渾河部。王家部。東果部。折陳部。長白山內陰部。鴨綠江部。東海兀吉部。幹兒哈部。虎兒哈部。胡籠國中兀喇部。哈達

部。夜黑部。輝發部。各部蜂起。皆稱王爭長。互相戰殺。甚且骨肉相殘。強凌弱。衆暴寡。

太祖能思威並行。順者以德服。逆者以兵臨。於是削平諸部。後攻尅大明遼東諸城。

諸部世系

兀喇國。本名胡龍。姓納喇。後因居兀喇河岸。故名兀喇。始祖名納奇卜祿。生上江朵里和氣。上江朵里和氣。生加麻哈芍朱戶。加麻哈芍朱戶。生瑞春。瑞春生杜兒機。杜兒機生二子。長名克世納都督。次名庫堆朱顏。克世